

90 КУНЛИК ТАШВИШ



Андижон шаҳридаги 24-мактабда ўқувчиларнинг ота-оналаридан ёз таътилида фарзандлари назоратда бўлишини кафолатловчи тилҳат ёздириб олинаётганлиги ҳақидаги хабар ижтимоий тармоқларда тарқалди. Мазкур амалиётнинг нимаси заарли?

Ахир ёшларимиз ёмон йўлдан юрмаслигини назорат қилишга чақирувчи бу ташаббусни кўллаб-куватлаш керак. Аслида мактаб 3 ойга ўқувчи ташвишидан ҳоли қоляпти, жавобгарликдан сокит бўлмоқда. Аммо масъулиятни унутмай, боланинг тарбияси бузилмаслиги, фикр-хаёли чалғимасдан яна мактаб бағрига қайтишини хоҳлаётган илм даргоҳи мутасадилари шундай эҳтиёт чорасини қўллаётгани яхши-да.

Келинг, холис гаплашайлик. Ота-она бўлиш бугун машаққатли юмуш. Тирикчилик ташвишларидан ошиниб қай биримиз фарзанд тарбиясига эътибор қаратяпмиз, ўқишини назорат қиляпмиз? Очигини айтганда ўқув йили давомида мактаб бу борадаги нўноқлигимизни ёпиб туради.

Шундай экан, масъулиятни яна бир карра эсга солдирувчи хужжатнинг нимаси ёмон? Назаримда, ижтимоий тармоқдаги хабарнинг муаллифи фарзанд ташвишидан бехабар бўлса керак, йўқса мактабнинг бу чорасини қораламаган бўларди.